



PRIMA SESSIONE URDINARIA DI U 2019

1ère session ordinaire de 2019

21 è 22 di FERRAGHJU

21 et 22 février

2019/O1/007

Question déposée par Anne TOMASI au nom du groupe Partitu di a Nazione Corsa

Objet : *Lingua corsa è riforma di u basciigliè*

O sgiò presidente di u Cunsigliu Esecutivu, o madama a Cunsigliera esecutiva in carica di l'insignamentu, o sgiò Cunsiglieru esecutivu in carica di a lingua corsa,

Tutt'ognunu a sà, a rientrata 2019 serà un cambiamentu maiò in i licei di Corsi-ca, cum'è per ste France. Cum'è tutte e riforme, questa quì vene cù e so quis-tione è e so inchietutine.

Quelle chì m'interessanu oghje concernanu l'insignamentu di è in lingua corsa.

Per cumincià, una di e ragione sempre date per spiecà l'assenza d'insignamentu bislinguu à u liceu era a ripartizione di i sculari in filiere. Dopu à una 2nda bislingua, i zitelli sò scumpartuti in parechje classe, è hè dunque difficiule d'organizà 1me è Terminale bislingue. Ma oghje, smariscenu e filiere generale à prò d'un parcorsu cumunu è d'insignamenti di specialità. Hè prevista a pussibilità d'un insegnamentu in lingua corsa, è una mensione « bislinguu » per u novu basciigliè ?

A mo seconda quistione tratta piuttosto di l'insignamentu di a lingua. Oghje, si-condu à a filiera, a lingua corsa pudia esse studiata in LV2 cù a pussibilità d'un insegnamentu di lingua approfonditu, in LV3 o in uzzione. Dumane, si puderà studià in specialità, in LVB o in uzzione LVC. S'è no simu cuntenti di sapè chì u corsu puderà esse una specialità per l'elevi, simu dinò cuscenti chì una specialità hè fatta, cum'ellu a dice u so nome, per specialisassi... Tutti l'altri sculari ùn pu-deranu sceglie chè un uzzione, allora ch'elli ne avianu almenu dui capunanzu. Val'à di chì u corsu hà da entre in cuncurrenza cù d'altre dicipline : u zitellu ùn puderà più fà corsu è arte, o corsu è sportu approfonditu, ecc... allora ch'ellu puderà sempre fà latinu è arte, o grecu anzianu è sportu approfonditu. Per favurizà u studiu di e lingue anziane, u ministeru hà lasciatu a pussibilità di studiale in più d'un altra uzzione. Perchè micca dinò per a lingua corsa ?